


海昌勝蹟志



海昌勝蹟志

周慶雲



海昌勝蹟志序

舊友李瑞年階孫舊徒汪壽盞滄汀先後牧海寧爲余述海昌名勝古蹟津津不倦嚮往久之每歲八月觀潮或逐隊往而來去匆促未信宿留於勝蹟都未領略也然先大父客硤川別下齋蔣氏久州志寓賢中曾附焉其間並驅壇坫者若管芷湘翁小海張子祥諸老輩流連書畫時相過從曾有沈山紀游圖之作東南騷人墨客題詠殆遍盛時景況可以想像得之滄桑兩劫不及百年物換星移不堪回首近因徵求先大父遺筆得識管君振志詢爲芷湘先生後人家傳背影仕女

海昌勝蹟志

卷一序

一辭得樓校本

一幀先大父所繪翁張補景而別下齋主人手題者也余與談海昌勝蹟較李汪之言尤詳且備並出勝蹟志八卷相示受而讀之覺山水之美富第宅之崇閨園林之精雅自春秋吳國以逮晚清代有紀錄更采取各家詩文以爲點綴是豈一朝一夕所能蕝哉觀其自序云由舊志而遴輯縣志由縣志之餘而彙輯新志稿凡三易矣懷鉛提槧冥訪窮摛微管君之志堅力毅不至此昔人云卧游余觀此志殆可云目游歟辛亥以後流寓滬上恒與海寧馮老甦翁陳老吉堂周旋於茶寮酒壘間今得管君距離不過一巷且以數代世契相得益

歡余雖未窺海昌勝蹟而於海昌諸君子殊有緣也因述其事而爲之序中元庚午秋仲西吳恕皆費有容

海昌勝蹟志序

民國初元里人議重修州志當以名勝等門屬楹自維  
構昧不文又以橐筆杭垣未克從事志局遂婉辭之今  
新志名勝一門乃管君振志所分纂翔實淵雅楹遠謝  
不如前者道光中年錢警石廣文修纂海昌備志藝文  
門得海內重名多出耆宿管正湘先生之手振志乃先  
生族曾孫而新志藝文門中君校補語特精確吾邑文  
獻之傳其在溇溪管氏乎君覃心著述當任新志名勝  
類時仿溫公通鑑長編之例彙集巨編志貴謹嚴要刪  
記載但所餘均關鄉邦掌故不忍作滄海遺珠也乃別  
海昌勝蹟志

卷一 序

一翻得樓校本

輯海昌名勝志八卷節衣縮食以刊行之百餘年前翟  
進士灝著湖山便覽標名勝爲總綱而條繫題詠於下  
體例與君書略同但錄小詩而略宏文美猶餘憾是書  
兼搜博采學識突過前人矣楹夙慕前修近悲哀廢竊  
幸覩鴻編之告成得附名於其後也敢抒管見以質之  
民國二十一年歲在壬申上巳日馬湯楹識

海昌勝蹟志序

歲在癸丑移家硤川距滄溪不二十里與吾友管茂才  
振志乘興過訪蒹葭秋水時復遡洄嗣又同修海昌州  
志旣蒞事君又別爲勝蹟志以供都人士瀏覽先是君  
輯是志成以初稿下問於余余竭愚者之一得掎掖利  
病略有貢獻君夙好譏彈應時改定往者傅澤洪譔行  
水金鑑與歸安鄭芝畦互勘松筠撰新疆識略亦與大  
興徐星伯互商輿地之學自以集思廣益爲貴而君之  
虛心謙德亦不在傅松二公下良可嘉也爾來蟄居淞  
濱歷有年所幼安航海避亂亦復如是適余同作寶葫  
海昌勝蹟志

卷一序

一翻得樓校本

假日銷憂極尊酒論文之樂竊念甲子以來依劉垂十  
年矣偶檢澂如學士所纂續文獻通考得見君叔曾祖  
芷湘先生天竺山志十二弓登入經籍攷史部地理類  
茲又踵事增華不忘土風家學淵源方興未艾區區濟  
勝之具云乎哉慨自世變滄桑內訌外侮未有已時當  
局又不惜割膏腴之壤以媚疆敵我瞻四方蹙蹙靡騁  
手此一編故鄉風景歷歷在目用是昭告同志俾知濁  
世滔滔方寸之中自有桃源在也謹序元黠涪灘皋月  
上浣第程宗伊

海昌勝蹟志序

郡縣志書紀載勝蹟由來舊矣海昌自備志成書後下距鼎革之歲將近百年邑人重議續修管君與焉管君字振志芷湘老人其族曾祖也熟習掌故尤注意文獻當時愚昆仲謂采訪一席非延君不可此語一出當事者旋延請入局越四載而志成又越數年君於藝文勝蹟兩門復加搜討尋提出藝文刊成單行本今又刻勝蹟志以廣其傳名人題詠搜載無遺或以志貴簡要不事鋪張不知名勝以題詠而傳題詠愈多名勝愈著所謂一經潤色湖山有光然則振志此舉以地存人歟以海昌勝蹟志

卷一 序

一靜得樓校本

人存地歟爰本此旨以相印證君或不以予言爲河漢也夫時壬申端陽前三日錢國鏞拜序

海昌勝蹟志小序

自來國家改革以後例修國史誠以一代典章人物慮其散漫無稽也而郡邑志亦相率以成職是故耳民國初立即踵前例各縣邑均紛紛以修志是尙乙卯之歲邑中諸耆老咸創議續修先是光緒二十二年邑侯江寧李小池圭重修邑志粗具成稿旋以病去職不葺厥事此稿轉輾收藏二十年來竟佚去三冊余於斯時卽允任補亡而名勝古蹟亦在佚中卽彙余曩所輯錄并廣其詩文以點綴之束稿如筍乃病其太佔篇幅厲加芟除然非意之愜也今邑志已告成且付之印矣而區

海昌勝蹟志

卷一 小序

一靜得樓校本

區愚陋亦得貢諸世矣顧舊稿尙存篋中未忍拋棄適旅窗多暇復以篇幅所溢出者次第錄之更益以新所得者並附以風景題詠釐爲八卷名之曰海昌勝迹志倘騷人逸士欲考其遺蹟證以舊聞則是編之錄或不無小補也時

民國十二年秋日邑人管元耀振志氏自識於武林宋梅花碑側之傳舍

吳興周夢坡先生手翰

振志仁兄世講閣下前承枉駕有失迎迓兩奉手教  
敬悉足下著述等身搜輯珂里文獻遠近不遺可謂  
能且勤矣海昌勝蹟志尤爲必傳之作亟應付梓稍  
暇當爲跋語先將彙本繳奉又詩徵詞徵文徵自晉  
迄今且分內外編網羅益廣殊爲曠世傑作弟亦有  
詩詞文三種之搜輯僅南潯一區尙無外編爲書二  
十六冊刻資在四千以上尊著可了則了若再事廣  
收卷數愈多刻資愈大轉不能觀成愚昧之見尙望  
采擇原稿一一奉上書畫三件均是妙品一并繳還  
外坵拙輯靈峯志秋雪庵志莫干山志求爲審定又  
華蕊樓遺彙乞爲瀏覽弟不日赴超山觀梅不克候  
教不盡縷觀 慶雲拜復

題辭

己巳秋日下澣 振志先生攜其手纂海昌勝蹟

志四冊至書齋屬題適以他出未及倒屣孟冬

由里出申披讀數過覺搜羅宏富選擇精詳洵

足補邑乘所闕因見自題有七言絕句六章勉

和之如其數以志欽佩 同邑 陳其謙 吉堂

廿載神交一幼安劬書手錄每忘餐 昔年君在志局同任分纂所夕晤言

旅窗勝選閒邱壑 比又同客海上何止蒼茫入景看 海昌八景載邑乘

著述風清嗣昔賢 芷湘先生為君族曾祖 典衣不惜買書錢淳溪

老屋今無恙手澤摩挲一惘然

海昌勝蹟志 卷一 題辭 一 翻得樓校本

豈有吟篇繼墨廬 先宗伯公著有墨廬小稿 留遺寸草誦芬餘長安

日下宸題處應是當年飛白書 故都邑館懸有春暉堂賜額書蹟較小官銜年

月與家懸者異意館中為仁廟御書而家中所懸公將母時特製也

喬木流連題墨滋開編如誦蓼莪詩 志載安瀾園采有先嚴慈題詩

斷橋剩水殘碑卧尙憶垂髫游釣時 高廟駐蹕安瀾園雜詠三疊原韻其

碑至今存焉

淮水歸來葺小園 園為家眉州刺史別業咸豐兵燹後質於他姓光緒丁未余自邗江歸與

同志贖歸小葺為都人士觴詠之所 白荷香裏舉吟樽 蘇痕壁上詩何在

猶有鳴禽話解元 志選解元俞少軒明府小園詩葺園時未之見也

桑梓遺聞八卷多名流佳句錦囊羅而今幸得窺主豹

老眼猶明樂若何

題海昌勝蹟志

柯鄉鄭之章鄭鄉

此邦勝甲浙西區劫歷紅羊蹟半蕪深幸地靈產人傑

一家網盡海隅珠

令族曾祖芷湘先生著有海隅遺珠錄

君籍桐鄉隸海昌我家秀水籍桐鄉各懷敬梓恭桑意

數典交欽祖不忘

君家世居海桐交界之路仲里令先德多寄籍桐鄉寒宗世籍桐鄉而寄

居秀水之新塍君輯是編拙輯新溪文述俱存先世遺著於其間

壬申秋因事赴滬晤振志弟以所輯海昌勝蹟志

見示為題一律於後

兄管元煦偉子

閱盡滄桑壯志虛各從羈旅廢居諸客中相見驚皆老

海昌勝蹟志

題辭

一靜得樓校本

貧裏偷閒強著書山水清暉遊釣處園林佳致詠觴餘

鄉邦勝蹟搜羅徧世事煙雲任卷舒

浪淘沙

同邑沈山壽鏡軒

風景已全非枝上鶻啼茫茫對此最堪哀往事不堪回

首憶劫後荒基 昨晚故人歸到我書帷十年訪古鬢

毛衰新著海昌名勝志屬我題詞

僕幼而失學長更荒落惟性喜瀏覽不厭摭錄今  
成海昌勝蹟志八卷率題六絕爲錄卷首并呈  
大雅君子 教正不吝

珠玉加以賜題不勝榮幸感荷之至

海濱生長喜遨遊桑梓關心事事求

余自幼喜研求故鄉掌故凡閱書見

有關於海昌人文軼事者卽分類摭錄成

海昌觀一書近二百卷並甄錄成此八卷

感慨流風餘韻未全休

景仰前賢軼事揆生時華屋死山邱文章道義堪矜式  
佳話能教奕世留

桑田滄海幾經遷昔盛今衰劇可憐想像前蹤猶宛在

海昌勝蹟志

卷一

一辭得樓校本

臨風憑弔意纏綿

舊時遺跡半銷沈紀載流傳直到今彙錄一編留感喟

按圖索驥卜同心

理數遞嬗古更新新時轉瞬又成陳立身處世須珍重  
好待他年棄取甄

窮年兀兀費居諸困苦飢寒意自如長日深宵耽筆硯  
纂成覆瓿滿階除

海昌管元耀振志自題

校勘題名記 謹以年齡爲次

同邑應蕙夫先生 紹先

錢劍虹先生 國鑠

祝心梅先生 廷錫

費景韓先生 寅

陳吉堂先生 其謙

海鹽程學川先生 宗伊

同邑馬湯敘卿先生 楹

朱澤民先生 承業

朱丹九先生 起鳳

海昌勝蹟志 題名記 一靜得樓校本

鄭樊侯先生 功懋

張仲梧先生 樹森

家兄管偉子先生 元煦

許祖謙先生 行彬

吳嘯廬先生 清

陸藹堂先生 慶楹

嘉興蔡杏書先生 元炯


同邑查誦堅先生 人偉

桐鄉徐青原先生 安

同邑徐志摩先生 章埈



海濱輯志  
 癸酉  
 新秋  
 為  
 志  
 表  
 作  
 滬  
 鄭  
 燿



達而治國處則愛鄉敢  
 云著作意重表章一邱一  
 壑足綢在綢一樓一閣既  
 明且詳窮年斲工大海苑  
 茫斯人斯集吾邑之先

志  
 海濱輯志圖贊

吳月鄒適慶



海昌勝蹟志卷一目

城治

靈光井

悟空塔

問牛軒

雙檜軒

石經幢

九蓮池

放生池

清遠樓

王氏園

郭太守故居

芸香亭

送雲亭

射圃亭

千佛閣

學解義井

紫芝樓

安瀾園

小園

梅花書屋

松喬堂

愛日堂

玉箴堂

峯雲堂

日巖堂

海昌勝蹟志

卷一目

一靜得樓校本

春暉堂

松柏堂

聽濤樓

半弓園

春熙門外

水仙閣

鎮海塔

觀海臺

濠上軒

讀書樓

五岳樓

一間老屋

拱辰門外

光華亭

娛親堂

著書齋

墨王樓

玉佛庵

海昌勝蹟志卷一

邑人管元耀振志甫輯

余性喜游覽兼愛攷古凡遇登臨之處必溯厥本原

故游屐所至或邑乘或鎮志以及名藍古刹私家所

錄多方覓覽以為快每見志乘所載有曰名勝曰古

蹟有合名勝古蹟而稱之曰勝蹟者要之名勝或因

古蹟而成或歷久而成古蹟者合而稱之似較宜焉

海昌一隅為余釣游之地生於斯長於斯蓋朝夕游

憩所在不容忽置尤當亟為討論自來寧邑志書余

莫不備藏以供訪覽有時按圖索驥或昔盛今衰或

海昌勝蹟志

卷一

一辭得樓校本

昔有今無望古遙集俯仰流連不勝感慨係之矣間

嘗泛覽前人詩文集遇有涉及海昌名勝古蹟者爰

為摭錄以附麗之或因或創或補其所遺或增其所

無薈萃羣言勒成斯帙以供訪古探奇者之一助云

民國紀元後五年邑人管元耀識

勝蹟一

靈光井 在縣治南門梁天監七年邑人宏靈度一作洪

因井中有光三日不止捨宅為寺地濱海遂以觀海

名唐會昌年廢大中祥符間改名慶善後亦廢今南

門關帝廟其故址也據叔曾祖芷湘老人海昌叢載